



BOSNIA AND HERZEGOVINA
INSTITUTE OF METROLOGY
OF BOSNIA AND HERZEGOVINA

Broj: 02.1-16-4-MA-839-13/24
Sarajevo, 04.10.2024. godine

Na osnovu člana 61. Zakona o upravi („Službeni glasnik BiH“ br. 32/02, 102/09 i 72/17), čl. 64. stav (1) tačka b), čl. 25, čl. 70. st. (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, br. 103/14 i 49/23), a na Preporuku Komisije za nabavku broj: 02.1-16-4-HM-839-11/24 od 03.10.2024. godine, u postupku javne nabavke laboratorijske opreme, multikanalni analizator vremenskih intervala i frekvencija, direktor Instituta za mjeriteljstvo Bosne i Hercegovine donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku broj: 02.1-16-4-HM-839-11/24 od 03.10.2024. godine i Ugovor za nabavku laboratorijske opreme, multikanalni analizator vremenskih intervala i frekvencija, dodjeljuje se ponuđaču „Micom BH“ d.o.o., 71000 Sarajevo, Bačići 58, ponuda br. 02.1-16-4-50/24, dostavljena dana 02.10.2024. godine u 08:00 sati, za ponuđenu cijenu 33.333,00 KM bez PDV-a, odnosno 38.999,61 KM sa PDV-om, kao najpovoljnijem ponuđaču.

Član 2.

Izabrani ponuđač je dužan da u roku od 5 (pet) dana od dana dostavljanja ove odluke dostavi originale ili ovjerene kopije dokaza o kvalificiranosti, tražene tenderskom dokumentacijom, a u skladu sa Zakonom o javnim nabavkama.

Član 3.

Ugovor o nabavci dostaviće se na potpis izabranom ponuđaču nakon isteka roka od 15 dana, računajući od dana obavještenja o izboru najpovoljnije ponude, odnosno nakon okončanja procedure pribavljanja mišljenja na nacrt ugovora od strane Pravobranilaštva Bosne i Hercegovine.

Član 4.

Ova odluka objavit će se na internet stranici Instituta za mjeriteljstvo Bosne i Hercegovine www.met.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. (6) Zakona o javnim nabavkama.

Član 5.

Za izvršenje ove odluke zadužuju se Odsjek za materijalno-knjigovodstvene poslove i Odsjek za opšte, pravne i kadrovske poslove.





Član 6.

Ova odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke laboratorijske opreme, multikanalni analizator vremenskih intervala i frekvencija, broj: 02.1-16-4-MA-839-2/24 od 06.09.2024. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 33.333,00 KM.

Obavještenje o nabavci na portalu javnih nabavki broj: 648-1-1-38-3-10/24, poslato je na objavljivanje dana 11.09.2024. godine, a objavljeno je na Portalu javnih nabavki dana 11.09.2024. godine.

Komisija za nabavku, imenovana je Odlukom o imenovanju Komisije za nabavku laboratorijske opreme broj: 02.1-16-4-MA-839-5/24 od 11.09.2024. godine.

Komisija za javnu nabavku laboratorijske opreme, multikanalni analizator vremenskih intervala i frekvencija, dostavila je direktoru Instituta Zapisnik o pregledu i ocjeni ponuda broj: 02.1-16-4-HM-839-9/24 od 03.10.2024. godine, Izvještaj o radu broj: 02.1-16-4-HM-839-10/24 od 03.10.2024. godine i Preporuku o izboru najpovoljnijeg ponuđača broj: 02.1-16-4-HM-839-11/24 od 03.10.2024. godine.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda,
- da je ponuda ponuđača „Micom BH“ d.o.o., 71000 Sarajevo, Bačići 58, kvalifikovana i privatljiva, dostavljeni su svi traženi dokazi propisani tenderskom dokumentacijom i tehničkom specifikacijom, na propisan način.

Tenderskom dokumentacijom ugovorni organ, Institut za mjeriteljstvo Bosne i Hercegovine predvidio je da se postupak javne nabavke okonča putem e-aukcije. Komisija je Zapisnikom o pregledu i ocjeni ponuda konstatovala, da je za predmetnu nabavku dostavljena samo jedna prihvatljiva ponuda. Na osnovu člana 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23), kojim je definisano da u slučaju prijema jedne prihvatljive ponude e-aukcija se ne zakazuje, ugovorni organ će postupak okončati u skladu sa članom 69. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka, direktor Instituta nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog ponude sa najnižom cijenom.



- **Naziv ponuđača čija je ponuda ocijenjena kao najpovoljnija:**

	Naziv ponuđača	Micom BH d.o.o.
	Sjedište i adresa	71000 Sarajevo, Bačići 58
	Ukupna cijena ponude bez PDV-a	33.333,00 KM
	Garantni rok	24 mjeseca od dana isporuke
	Rok za isporuku predmeta nabavke	180 dana računajući od dana obostranog potpisivanja ugovora

Iz navedenih razloga, primjenom člana 64. stav 1. tačka b), Zakona o javnim nabavkama, čl. 25., čl. 70. st. (1), (3) i (6), Zakona o javnim nabavkama („Službeni glasnik BiH“, broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke („Sužbeni glasnik BiH“, br. 103/14 i 49/23) i Preporuke Komisije za nabavku, odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Institut za mjeriteljstvo Bosne i Hercegovine, Branilaca Sarajeva broj 25, 71000 Sarajevo.

Žalba se podnosi u najmanje 3 (tri) primjerka.


DIREKTOR

Milica Ristović Krstić, mr

Dostavljeno:

- Ponuđaču Micom BH d.o.o. Sarajevo
- Web stanica Ugovornog organa
- a/a